

四庫全書

子部

欽定四庫全書

子部

薛氏醫案卷七十三

詳校官太醫院吏目臣宋桂

編修臣倉聖脈覆勘

總校官原任中允臣王燕緒

校對官庶吉士臣吳裕德

謄錄監生臣李廷讓

欽定四庫全書

薛氏醫案卷七十三

明 薛己 訂

保嬰撮要十八

小便不利

痘疹方云痘疹未出之先熱盛恐欲起驚小便不利導赤散微解之熱入膀胱如有血淋犀角湯初出不快小便赤色生聖散已出未愈之間白朮散或五苓散加木

通收靨之後小便不利煩熱而渴猪苓湯竊謂前症當分所因若小腸熱結用導赤散肝經熱用柴胡麥門冬湯脾經熱用犀角湯肺經熱用生地黃湯腎經熱地黃丸靨後氣血虛弱用八珍湯中氣虛弱用五味異功散一小兒小便不利口舌生瘡乾渴用導赤散加味四物湯而膿貫又用白朮散去木香治之而愈

一小兒小便不通口舌如靡作渴面赤左尺脉數此膀胱熱結先用五淋散而小便利又用地黃清肺飲參芪

四聖散而愈

一小兒小便數而欠利面赤口渴兩足發熱此稟陰虛也地黃滋腎二丸煎服用四劑而愈又用地黃丸料加黃芪當歸而痊愈

一小兒痘將愈小便不利服五苓散之類小便愈少喘咳唾痰此脾肺復傷也先用補中益氣湯三劑送滋腎丸却用補中異功二藥而痊愈

八正散治下焦積熱大小便不通或小便淋瀝脉症俱

實者

大黃

酒炒

車前子

炒

瞿麥

篇蓄

山梔

炒

木通

各一

錢

滑石

煨二錢

甘草

一錢

右每服二錢水煎

滋腎丸為末水糊

黃栢

炒黑

知母

炒黑

各二兩

肉桂

二錢

益元散治痘疹初起煩躁作渴小便不通

滑石

六錢

甘草

一錢

每服五六分白湯調下

導赤散治小腸實熱生瘡作渴發熱小便秘赤或小便

不利者

方見
拜換破

柴苓湯治疹瀉小便不利

方見
癰症

五苓散

茯苓

猪苓

白朮

澤瀉

各等
分

肉桂

減
半

右為末每服四分白湯下

黃芩清肺飲

黃芩

炒

山梔

炒等分

右每服二錢水煎

生地黄湯

生地黄

五錢

麥門冬

七錢

杏仁

去皮尖二錢

款冬花

陳皮

各三錢

甘草

二錢五分

右每服二三錢水煎

紫草木通湯治痘疹出不快小便不利

紫草

人參

木通

茯苓

糯米

各等分

甘草

減半

柴胡麥門冬散

方見作
拜抓破

犀角湯

方見頂
陷心灰

仙聖散

方見瘡
出遲

加味四物湯

方見痘
入口

白朮散

即七味
白朮散

六味地黃丸

二方見發
熱屬陰陽

痘便血或黑屎

聞人氏云痘瘡大便下血或黑糞若睡而不醒是為惡

候乃內熱盛也用犀角地黄湯抱龍丸小柴胡湯加生
地黃主之竊謂前症若寒熱作渴小柴胡加生地黃發
熱體倦用五味異功散加當歸口乾作渴用人參白朮
散大凡作渴引飲發熱者屬實熱作渴飲湯手足不熱
者屬虛熱手足逆冷者屬虛寒治者審之

一小兒出痘便血痘赤痛如錐或瘡內出血余謂肝火
熾盛用小柴胡湯加生地黃一劑隨用犀角地黄湯一
劑而痊

一小兒痘瘡下血且不起發先君謂氣血不足用紫草快癍湯加參芪歸朮血頓止瘡頓起用八珍湯而愈

一小兒痘瘡下血小便赤色瘡色如赭發熱飲冷二便不利先君謂心小腸實熱用八正散後用解毒防風湯及飲芹菜汁而痊

一小兒痘疹便血倦怠作渴飲湯余謂倦怠便血脾虛下陷也少食作渴津液枯涸也用五味異功散加紫草而愈

一小兒便血腹脹困倦身熱口乾飲渴四肢逆冷先君謂脾氣虛寒不能攝血用五味異功散加丁香炮薑二劑血止痘貫而靨

一小兒痘將愈而便血面白惡寒大便欲去而不去余謂此元氣虛而下陷也用益氣湯不信服涼血之劑致吐瀉腹痛而歿

一小兒痘將愈患便血面白惡寒手足並冷脉沉細如無余謂陽氣虛寒欲用人參薑桂不從翌日而死手足

青黑惜哉

解毒防風湯治痘瘡毒氣熾盛便血

防風 地骨皮 黃芪 白芍藥 炒 荊芥 牛蒡

子 各等分

右每服四錢水煎或為末白湯調下

紫草快癰湯治痘疹下血不能起發出不快色不紅活

等症 即紫草湯方
見頂陷心煩

聖濟犀角地黄湯治熱毒內蘊煩躁作渴面色赤大便

黑屎或神昏便血

方見痘作渴

小柴胡湯治肝經有熱不能藏血而便血

方見痘身痛

五味異功散治脾胃氣虛不能統血而大便下血

方見寒戰

咬牙

八珍湯治氣血不能攝血而便血

方見頂陷灰白

八正散治心小腸有熱小便赤澀大便下血

方見痘小便利

七味白朮散

即人參白朮散方見痘發熱

痘瘡焮裂出血

聞人氏云痘瘡大便不通小便如血或結癰毒身痘破裂乃內火熾盛失於解利急用犀角地黄湯小柴胡湯加生地黃四順飲之類治之竊謂前症若心脾熱盛用犀角地黄湯心肝熱盛用小柴胡湯加生地黃若大便不通先用四順飲次用犀角湯若色赤焮痛二便不通急用活命飲加硝黃若色赤焮痛惡寒發熱用活命飲加麻黃若因乳母怒火用加味逍遙散加味歸脾湯一小兒痘根赤色寒熱作痛此肝經有熱也先用加味

小柴胡湯二劑諸症漸退又用加味逍遙散一劑而貫
膿末用八珍湯而醫

一男子痘根赤痛發熱作渴服紫草飲痘裂出血余謂
心肝二經風火相搏先用小柴胡湯加生地黃犀角二
劑用聖濟犀角地黃湯而愈

一小兒患前症大便不利小便赤澁作渴飲冷先君謂
脾胃實熱先用涼膈散一劑漸愈又用犀角地黃湯芹
菜汁而痊

一小兒患此診乳母有鬱火用加味逍遙散加味歸脾湯而痊同時患是症而用雜藥者俱致不救涼膈散治上焦實熱煩渴面赤咽燥喉痛便溺赤澇狂言譫語睡臥不安

大黃 朴硝 甘草 連翹 山梔 黃芩 薄

荷葉
各等分

右為細末每服少許煎竹葉密湯調乳母同服

加味清胃散

方見痘癰

加味逍遙散

方見痘
潮熱

犀角地黄湯

方見頂
陷心灰

加味小柴胡湯

即小柴胡湯加山梔
生地黃方見痘身疼

八珍湯

方見頂
陷灰白

聖濟歸脾湯

方見
痘癰

痘衄血吐血

痘疹方云若痘發之際正宜微見與發汗同體然血與汗雖殊其源則一蓋痘疹乃穢血所發邪結肺胃毒氣

自然上越也若見此症不可妄投以藥恐治失其宜瘀蓄者不出而已出者復傷反生變症也若作渴飲冷手足並熱此毒氣熾盛而血上溢也宜用聖濟犀角地黄湯若肺經熱毒而鼻衄用地黃清肺飲胃經熱毒而吐血亦用聖濟犀角地黄湯若腸胃熱毒而便血亦用之作渴飲湯手足不熱者脾肺氣虛不能攝血而妄行也宜用五味異功散若出血作渴煩躁面赤色者血脫也宜用當歸補血湯

一小兒出痘三四日大便下血日有數滴至八日不能止瘡不能起御醫錢春林謂其脾氣虛寒用木香散二劑加丁香十一粒人參五錢次日痘起有膿由是血止二十餘日而愈

一小兒痘瘡紅活但不時作痒口渴便血面赤先君謂腸胃有熱用聖濟犀角地黃湯加柴胡一劑諸症漸退用四君加當歸紅花而愈

一小兒痘瘡赤痛煩熱作渴或便血衄血先君用犀角

地黃湯而血止又用紫草快癰湯而痛愈後瘡痕色白用四君黃芪當歸而痊

一小兒衄血右寸脉數此肺金有火也用瀉白散而血止但四肢倦怠用益氣湯而愈

一小兒痘痛赤色吐血發熱此胃經熱毒也先用聖濟犀角地黃湯諸症漸愈又用五味異功散而痊

一小兒痘後衄吐血面色黃白因脾肺氣虛弱用麥門冬散而愈後因勞衄血發熱痘痕赤色用四君歸芪而衄

血止用五味異功散而熱退

一小兒痘後衄血發熱則痕赤熱止則痕白此脾胃氣虛也朝用補中益氣湯加乾薑夕用五味異功散加當歸而愈

一小兒痘後衄血頭運唇白惡心此中氣虛而清陽不能上升也用補中益氣湯加蔓荊子稍愈去蔓荊子又數劑而痊

一小兒痘後非衄血即便血痘痕赤白靡定手指冷熱

無常余謂此元氣虛而無根之火條往條來也朝用補
中益氣湯夕用五味異功散各二十餘劑而愈後因勞
心復發仍用前二藥為主佐以十全大補湯而愈
瀉白散

桑白皮炒 甘草 地骨皮

右每服二三錢水煎

人參竹葉湯治虛煩不得寐或兼自汗

人參 竹葉 甘草各二錢 半夏二錢 小麥五分 麥門

冬各一錢半

右每服二三錢薑二片粳米一撮水煎服

八珍湯

十一味木香散

二方見頂陷灰白

五味異功散

當歸補血湯

二方見寒戰咬牙

紫草快癰湯

方便見便血屎黑

四君子湯

即六君子湯去陳皮半夏方見不屬悶亂

十全大補湯

方見腹脹氣促

痘煩躁

東垣云火入於心則煩入於腎則躁皆心火為之蓋火旺則金燠水虧故心腎合而為躁也宜用梔子豆豉湯凡痘瘡盛作之時必令心火有所導引苟或毒氣出而未盡遂生煩躁以生黑豆煎湯或生犀磨汁飲之亦可若津液不足虛煩不得臥者活人酸棗仁湯此症多因脾胃氣虛或服剋伐之劑所致但當調補中氣為善

一小兒患此飲冷不止或作脹痛余謂胃火所致用犀角地黃湯芹菜汁而頓愈

一小兒煩躁作渴飲冷不止先君謂脾胃熱毒用犀角地黃湯而愈後復作喜飲熱湯面目赤色用當歸補血湯而痊惟倦怠少食用白朮散而愈

一小兒貫膿之際煩躁不寧肝脾脉數用聖濟犀角地黃湯一劑稍止用八珍湯加牡丹皮而止又一劑漿漸貫却用內托散倍用參芪歸朮而靨

一小兒痘將貫膿煩躁面赤脉數大而虛此氣血虛也
先用參芪四聖散又用當歸補血湯而愈

一小兒出痘煩躁作渴面赤口乾脉洪而大按之無力
兩尺為甚此稟腎不足陰虛而火動也用大劑地黃丸
料加五味子煎與恣飲諸症頓減乃佐以補中益氣湯
二劑痘齊乃用參芪四聖散而醫

一小兒出痘煩躁作渴飲湯面目赤色脉數無力兩尺
為甚此稟足三陰虛也用益氣湯及地黃丸料加五味

子大劑始末服而靨

一男子出痘煩躁作渴虛症不能悉舉先君用益氣湯地黃丸料加五味子各三十餘劑更用人參五觔煎湯代茶飲兩月餘而靨又用歸芪參朮各數斤半載始能步履得元氣充實且慎調攝而痊

一小兒十五歲痘將愈而煩躁脉數而無力勞則益甚且無寐或驚悸余用歸脾補中二湯漸愈後因勞仍作或用四物化痰之劑前症益甚更發熱惡寒頭運而歿

一小兒痘愈後煩躁面赤脉洪大按之如無余謂血虛
朝用補中湯夕用歸脾湯將愈因飲食過多功課勞心
吐瀉腹痛頭運惡寒反服藿香正氣散發熱如炙汗出
如雨手足並冷而歿

活人酸棗仁湯治痘疹虛煩驚悸不得眠

酸棗仁

炒

甘草

炙

知母

炒

白茯苓

麥門冬

去心川

芎藭

乾薑

炒各三分

右水煎服兒大倍之

梔子豉湯

山梔

四兩 豆豉 半兩

右水二盞先煮梔子一盞內豆豉煎至七分去滓溫服得快吐即止後服

當歸六黃湯治血氣不足虛火內動或煩躁盜汗不止

當歸 熟地黃

黃芪

炒 黃栢 已下俱炒黑

黃芩 黃

連 生地黃

右每服三五錢水煎

八珍湯治氣血俱虛或用剋伐之劑脾胃虛損肌肉消

瘦發熱惡寒飲食少思等症

方見頂陷灰白

補中益氣湯

當歸補血湯

二方見寒戰咬牙

六味地黃湯

方見痘發熱屬陰陽

聖濟犀角地黃湯

方見頂陷心煩

內托散

即托裏散方見痘癰

七味白朮散

方見痘發熱屬陰陽

痘腹痛

婁全善先生云痘腹痛多是熱毒為患當臨症消息之
又云痘出腹痛或身痛脉洪數者用解毒涼藥加芍藥
甘草竊謂前症若痘未出而發熱煩躁或作渴飲冷大
便堅實此熱毒壅滯也用疏利之藥若痘已出而不熱
躁不飲冷大便不實此元氣虛弱也用白朮散之類補
之若噤腐吞酸大便穢臭乳食停滯也用保和丸消之
凡腹痛作渴飲冷手足並熱者屬實熱作渴飲湯手足

並冷者屬虛寒虛寒者當溫補脾胃虛弱者當調補脾胃

一小兒善食作渴腹痛便秘痘痕赤色先用加味四物湯而愈後仍痛惡食此脾胃受傷用白朮散而痊

一小兒痘將靨腹脹發熱面赤午後益甚按其腹不痛余謂脾虛用五味異功散而痊

一小兒出痘腹痛大便似利寒熱往來余以為脾氣虛用白朮散而痊

一小兒出痘腹痛作渴飲食如常光澤紅活此胃經實熱先用瀉黃散一劑頓安又用白朮散而痊

一小兒痘後腰痛作渴飲冷便秘用清涼飲末五分頓安後腹痛吐瀉發搐用白朮散加釣藤鈎而愈

一小兒出痘腹痛噯腐吞酸此飲食停滯先用保和丸二服續用五味異功散而痛止又用托裏散而靨

人參理中湯治脾胃虛寒胸膈痞滿或心腹疼痛痰逆嘔吐少氣或霍亂吐利手足厥冷不喜飲水加附子

理中湯

名附子
理中湯

人參

白朮

乾薑

炮各等分

甘草

炒減半

右每服三錢水煎或研末白湯調下

五味異功散治小兒諸般釣症角弓反張胸膈臍凸以
透明沒藥為末薑湯調下

桔梗枳殼湯治氣壅痞痞結腹脇疼痛

桔梗

枳殼

炒各一兩

甘草

炙

右每服二三錢薑水煎

七味白朮散治肚腹作痛和胃氣生津液若脾胃氣虛作渴飲湯或因吐瀉津液虧損煩渴引飲或脾胃氣虛腹脹瀉渴弄舌流涎手足指冷並宜服之以溫補

脾氣化生津液

方見發熱屬陰陽

保和丸治飲食停滯腹痛或惡寒發熱不可多服

神麴

炒

山楂

半夏

茯苓

陳皮

各一兩

連翹

蘿蔔子

各五錢

右為末粥飯丸小豆大每服二三十丸白湯送下化

服亦可加白朮名大安丸

六君子湯治脾胃氣虛肚腹作痛或吐瀉不食或肺虛痰喘氣促惡寒或肝虛驚搐眩暈自汗諸症並宜服

即四君子湯加陳皮半夏

方見不
屬問亂

瀉黃散

方見症
瀉渴

五味異功散

方見寒
戰咬牙

聖濟犀角地黃湯

方見頂
陷心煩

托裏散

方見
症靡

四物湯

方見痘瘡出遲

清涼飲

方見痘瘡大便不通

痘腰痛

經曰腰者腎之腑若痘瘡而見前症者皆因腎經虛怯相火內燥真陰不能勝邪故腰作痛也急服地黃丸以防變黑歸腎乃克有濟大抵此痘因稟賦腎家精氣不足故目睛多白俗謂之拆腰痘是也若平素面白眼白睛多行遲語遲者出痘必歸腎經預為調補腎氣庶免

此患

一小兒十三歲眼睛多白或時面赤常患頸痛尺脉洪數先君謂稟腎氣虛用地黃丸料煎服而愈至十五歲出痘先君云須多服前藥仍用地黃丸益氣湯更作倦怠乃以地黃丸大劑煎與恣飲又用大劑八珍湯痘漸出如式恪服前藥至晷歲二藥計十七斤餘而愈先君每見嬰兒白睛多面色白或色赤令其預補脾腎以防出痘但信者少耳

一小兒出痘腰痛足熱發渴此稟腎虛火動也先君用大劑加減八味丸料煎與恣飲諸症漸退佐以大劑八珍加紫草糯米數劑膿漸貫仍用前藥而結痂用八珍湯而靨

一小兒出痘將愈因停食泄瀉作渴腰痛此脾腎虛弱也先君用加減八味丸料及五味異功散渴瀉頓止又與六味丸料及八珍湯而靨

一小兒出痘愈後腰足作痛此稟足三陰虛也用六味

丸料煎服及補中益氣湯而愈後又傷食作瀉腰痛用
四神丸六味而愈

一小兒面色常白目睛多白時常腰痛兩足時熱冬不
衣綿年九歲先君謂稟腎虛令每日服地黃丸至十歲
出痘腰痛發渴面赤飲冷用地黃丸每劑加肉桂半錢
煎與恣飲數劑之後熱渴頓止腰痛頓愈却去肉桂仍
與服之至五十餘劑而靨

一小兒痘愈後腰痛口渴兩足生瘡飲水不絕此稟足

三陰虛先君用地黃丸益氣湯至畢姻後不慎起居復患瘰癧以致不起

一小兒面素白發熱作渴或面生瘡先君謂腎虛用加味地黃丸補中益氣湯而愈後出痘腰痛仍用前藥而痊次年畢姻患腎痿而卒

加味地黃丸

熟地黃

酒浸蒸丸晒乾
八兩酒拌杵膏

山茱萸

肉

乾山藥

五味

子

炒各
四兩

澤瀉

白茯苓

牡丹皮

鹿茸

炙各
三兩

肉

桂

厚者去皮取肉一兩發熱者以此加之引虛火歸腎經而熱自止也

右各另為末入地黄和勻量入米糊丸服煎服更好

六味地黄丸

方見發熱屬陰陽

五味異功散

補中益氣湯

二方見寒戰咬牙

八珍湯

方見頂陷灰白

八味丸

即六味丸加附子肉桂各一兩方見痘作渴

二神丸

四神丸

二方見
痘作瀉

痘面青

聞人氏云痘疹屬火症其面色赤者為順甚者為熱若
肝木尅制脾土致面色青者是為逆也急用四君升麻
柴胡調補脾胃色正纔治竊謂前症若傷食而嘔吐搗
搗脾氣受傷而瀉利搗搗或厥逆皆慢脾風之漸也用
人參理中湯加柴胡釣藤鈎治之或有少誤多致不起
若有痘毒內外鬱蒸發出遇風寒相搏凝滯於肌肉遍

身皮膚青色者用透肌散胃傷則生風嘔吐脾傷則生風厥逆用五味異功散加天麻若瘡密熱盛便秘飲冷面赤者用犀角解毒散貫漿之後發熱煩躁作渴面赤者用當歸補血湯足熱腰痛目睛赤者地黃丸皆要法也

一小兒痘瘡紅活起發因飲食過多吐瀉腰痛唇面青色手足並冷此脾胃虛寒而受尅也先君用六君薑桂一劑前病不退痘色欠赤再劑加附子二分諸症頓退

翌日用參芪四聖散二劑將愈更用八珍湯內參芪各五錢四劑而醫

一小兒出痘飲冷過多腹痛面青手足並冷此寒邪傷脾而虛寒也用附子理中湯一劑而痛止用人參一兩薑一錢二劑而膿貫又用人參煎湯代茶與飲月餘而醫

一小兒出痘面青腹痛手足並冷此脾氣虛寒也先用五味異功散加木香肉桂又用內托散參芪四聖散貫

膿痂靨

一小兒出痘面青腹痛手足並冷此脾土虛寒也先服益黃散末三錢再以六君木香而安又傷食作瀉面青用五味異功散而痊

一小兒出痘面色青手足冷此寒水侮土非十二味異功散不能救不信乃服疏通之藥歿而遍身皆青悔無及矣

六君子湯

四君子湯

二方見不
雷悶亂

人參理中湯

加附子名
中湯方見
疽腹子理
痛

五味異功散

當歸補血湯

二方見寒
戰咬牙

內托散

即托裏散
方見疽癰

十二味異功散

方見頂
陷灰白

參芪四聖散

方見腹
脹氣促

六味地黃丸

方見發熱
屬陰陽

犀角地黄湯

方見頂陷心煩

痘痕赤白

痘痕赤白各有所因治法亦異凡痕赤而作痒血虛而有熱也用四味牡丹皮赤而作痛餘熱也用四君連翹金銀花若發熱而大便調和者脾胃虛熱也用五味異功散若發熱而大便秘結者腸胃內熱也用聖濟犀角地黄湯若母有肝火用加味逍遙散若母有鬱怒用加味歸脾湯佐以加味逍遙散治之痕白者多屬氣虛而

血衰也宜固元氣為本痒而作渴者氣血俱虛也十全大補湯之類乳食減少四肢倦怠者中氣虛也五味異功散之類氣虛發熱者補中益氣湯之類血虛發熱者當歸補血湯之類須參兼變之証治之此症若服藥而漸紅活者可治色不轉者不治雖經年後多患瀉痢而死若妄投攻伐禍在反掌

一小兒痘瘡如期而愈痕赤如赭余謂此乳母有熱也診之果有肝脾鬱火先用加味逍遙散四劑與母服之

子各飲少許而並愈

一小兒痘痕色赤作痛熱渴喜冷大便不利先用前胡枳殼散便利渴止再用聖濟犀角地黃湯而安又用芹菜汁而靨

一小兒痘痕色赤大便不利小便赤澁作渴飲冷此上焦實熱也先君用瀉黃散一劑頓愈又用濟生犀角地黃湯及芹菜汁而痊

一小兒痘愈而痕赤作痛內熱作渴二便不利先君謂

胃經熱毒用濟生犀角地黄湯及芹菜汁而痊

一小兒痘痕色白時痛時痒作渴飲湯大便稀澹此脾胃虛熱也用五味異功散加當歸黃芪而痊

一小兒十六歲痘痕白用獨參湯數斤色漸如舊又用地黃丸大補湯而安

一小兒痘後因母怒痕赤時或作痛先用加味小柴胡湯加味逍遙散治其母而愈

一小兒因乳母食膏粱之味痘痕色赤用清胃散治其

母而兒自愈

一小兒痘痕色白作痒發熱大便不實諸藥不應余用五味異功散每劑用人參一兩四劑之後其熱稍退仍用前藥兼服四神丸而愈

一小兒痘痕白色時或作痒先君謂氣血俱虛不信反服解毒之藥後變慢脾風而歿

一男子患此色白作痒搔破膿水淋漓惡寒體倦余謂脾肺氣虛不信反祛風敗毒果發搐而死

一小兒患此惡寒發熱或痒或痛或白或赤余謂氣血俱虛不悟反降火祛風發瘥而死

一小兒痘痕色白服尅伐之劑致瀉不止余謂此脾氣下陷也不信果歿遍身如白傅粉信氣虛矣

葛花解醒湯治乳母酒醉後乳兒遺熱為患

白豆蔻

砂仁

葛花

各五錢

乾生薑

白朮

炒神

麴

炒黃

澤瀉

各二分

白茯苓

陳皮

人參

猪苓

木香

各五分

青皮

三分

右為末每二錢白湯調服

四順清涼飲治血脉壅實臟腑蓄熱頰赤作渴五心煩
熱睡臥不安四肢驚掣或頭面生瘡目赤咽痛痘疹

餘毒

方見大便不通

四君子湯

方見不
屬悶亂

加味逍遙散

方見症
潮熱

獨參湯

十全大補湯

二方見腹
脹氣促

四物湯

方見痘
出遲

犀角地黄湯

即聖濟
方見犀角
陷心煩

前胡枳殼湯

方見痘
涕唾

瀉黃湯

方見痘
渴

六味地黄丸

方見發熱
屬陰陽

五味異功散

方見寒
戰咬牙

聖濟歸脾湯

清胃散

二方見
痘癰

痘瘡

王海藏先生云痘疹初出後聲音洪亮形病而氣不病也痘疹未發聲音不出形不病而氣病也瘡疹既發聲音不出形氣俱病也宜用八風湯或涼膈散去硝黃主之竊謂前症若心火上炎刑爍肺金者宜用人參平肺散若津液不足虛火薰蒸者宜用六味地黃丸凡小兒面素白善哭足熱腰痛或解顙面白黑睛淡者出腎虛痘面青善怒或兩頤赤者出肝脾虛也蓋邪之所湊其

氣必虛當預為調補若在乳下尤當補其母及慎飲食起居為善此余之親驗者也

一小兒仲冬出痘呻吟煩躁焮痛作渴音啞便實先君謂心肺實熱之症令急與水飲之遂恣啜始定大便稍和更食梨子數枚得生夫梨者利也能令人作瀉今食之而安乃內有實熱而應用也

一小兒痘愈而聲瘖面赤足心發熱小便赤少先君謂腎經虛熱用地黃丸益氣湯而愈其時患是症者用清

熱解毒之藥俱致不起

一小兒痘愈而聲瘖面白兩睛多白兩足發熱作渴飲湯脉浮數左尺更數而無力余謂稟腎經陰虛朝用益氣湯夕用地黃丸加五味子兩月餘聲漸出又服兩月餘而愈

一小兒出痘聲瘖脉息如前余用前藥治之聲漸復清又飲食過多泄瀉復瘖朝用益氣湯夕用異功散地黃丸聲始如舊

一小兒痘後聲瘖半載以為廢人余詢之但云頭運其聲即瘖脉浮而緩按之不及兩寸此中氣虛不能上接清陽之氣耳用補中益氣湯地黃丸俱加五味子不半載聲音漸復

一男子痘後患瘖惡寒體倦勞則頭運余謂元氣虛而不能上升不信乃服清痰降火之藥而歿

一小兒十四歲痘後勞而喉瘖頭運脉洪數而無力惡寒發熱大便欲去而不去余謂元氣下陷也宜用益氣

湯不悟乃雜用疏導之藥泄瀉不止而歿

八風散

即八風湯

藿香

半兩去土

白芷

一兩

前胡

去蘆一兩

黃芪

二兩

甘草

炙二兩

人

參

二兩

菴活

三兩

防風

三兩

右為末每服入薄荷少許煎湯調服

涼膈散

方見痘瘡嫩裂

人參平肺散治心火尅肺金而聲瘖

方見頂陷心煩

六味地黃丸治腎虛聲瘖

方見發熱屬陰陽

補中益氣湯治中氣不足不能上接清陽之氣而痞

五味異功散

二方見寒戰咬牙

痘瘡痛

王海藏先生云痘瘡出而煩痛用木香五物主之更用芒硝為末以猪膽汁調敷之若身後痛屬膀胱經也用羌活荆芥甘草湯身前痛屬肺經也用升麻葛根紫草湯身側痛屬膽經也用連翹防風湯四肢痛屬胃經也用防風芍藥甘草湯以急止之蓋恐呌號傷氣忍痛傷

血而變症也若熱毒盛者用東垣消毒散或仙方活命
飲食鷄魚蒲萄酒物者用東垣清胃散生犀汁若發熱
飲冷大便調和用四物連翹牡丹皮若發熱飲冷大便
秘結脾胃實熱也用清涼飲若發熱作渴飲湯者脾胃
虛熱也用七味白朮散大凡痘切不可食毒物恐作痛
致傷元氣輕者反重重者難治大人亦然

一小兒痘瘡作痛色赤飲冷此熱毒熾盛也用活命飲
末二服痛止用東垣消毒散一服諸症悉退而瘡若非

此藥必作疔毒之類

一小兒痘焮痛出血診其母有肝火用小柴胡湯加山
梔生地母子服之頓愈又用加味道遙散而痊

一小兒痘痛不止色淡欲陷此痛傷元氣也先用仙方
活命飲一劑而痛止用八珍湯而靨

一婦人時疫將愈出痘發熱體倦痛甚昏憤飲湯脉洪
數按之如絲用十全大補湯調硃砂末一錢二劑其痛
頓止食進體健仍用前湯十餘劑而愈

一男子痘瘡痛甚先用仙方活命飲一劑其痛頓止又用東垣消毒散一劑精神如常而靨

一小兒痘瘡痛甚脉有力此邪氣實也用活命飲末二錢痛止起發又用東垣消毒散而靨

一小兒痘赤痛用活命飲末二錢痛止用當歸黃芪金銀花將愈用四君當歸芍藥而靨

一小兒痘赤痛發熱飲冷大便不通脉洪數而有力用活命飲加大黃一服痛赤頓減更用東垣消毒散一服

如期而愈

一小兒痘瘡紅活燋痛作渴飲冷手足並熱余謂此痘屬形病俱實非清熱解毒不能殺其勢當用活命飲化癰湯不信另服鼠粘子湯痘燋脹大其色如赭先用前藥二劑腫痛悉止乃用鼠粘子湯而愈

一小兒痘瘡燋痛服鼠粘子湯之類患痘疔三枚甚苦用隔蒜灸服活命飲痛止貫膿又用東垣消毒散而屬一小兒遍身發熱兩足尤甚作渴飲湯脉洪數而無力

此稟腎經虛熱也用地黃丸料加當歸黃芪大劑煎與
恣飲三日服數劑熱渴全止又數劑而愈

一小兒痘瘡熱痛服敗毒藥四肢患痘癰寒熱發渴余
謂當補元氣不信果歿

木香五物湯治出痘煩痛

青木香

四兩

丁香

一兩

薰陸香

白礬

各一兩

麝香

一錢

右每服五錢水煎熱盛加犀角一兩施銀臺常用此

方其效如神

鼠粘子湯治痘瘡欲出未透皮膚發熱眼赤心煩咽痛

不利等症

減地骨防風
名消毒散

鼠粘子

四錢
炒杵

荊芥

二錢

甘草

防風

五錢

地骨皮

一錢

右為末每服一二錢白湯調下

仙方活命飲治痘瘡焮痛熱盛者服之頓衰勢弱者服之頓愈真聖藥也

東垣清胃散

托裏消毒散

二方見
痘癰

東垣消毒散

方見灸疹痘一名救苦湯

射干鼠粘子湯

方見痘咽痛

羌活荆芥甘草湯

即此三味等分

柴胡山梔連翹防風湯

即此四味等分

連翹防風湯

方見痘疔

防風芍藥甘草湯

即此三味等分

化癰湯

方見水痘麻痘

清涼飲

消毒散

二方見大便不通

四聖散

方見痘出不快

犀角消毒散

隔蒜灸法

二方見痘疔

痘身疼

經云痒則為虛痛則為實內快外痛為外實內虛外快內痛為內實外虛今痘瘡身痛者是膚厚理密或外寒相搏或熱毒內作或血虛不能榮養若熱毒而血瘀者

先用活命飲次用東垣消毒散血虛而瘀者用四物湯之類遍身嚙而色黑者毒氣壅滯而血凝也乃是危症若二便秘結喘急煩躁用梔子仁湯或猪尾膏血調片腦治之自利不食者不治

一小兒痘未發遍身作痛余謂熱毒勢盛先用仙方活命飲一劑痛緩痘出用東垣消毒散一劑末用四聖散而靨

一小兒痘未出透遍身作痛此熱毒鬱滯而未盡發於

外也先用活命飲一劑而痛愈用參芪四聖散而結靨
一小兒痘瘡遍身作痛用東垣消毒散而痛愈用紫草
快癍湯而膿貫用托裏散而愈

一小兒痘癰肢體作痛發熱惡寒此氣虛而寒邪客于
表也用人參羌活散而表解用參芪四聖散而起發用
參芪內托散而膿潰

一姪婦發熱作渴遍身疼痛用活命飲二劑諸症稍愈
形氣甚倦用紫草木香散痘出少許用白朮散貫膿而

愈

一男子出痘根窠赤痛發熱作渴痘裂出血肝火熾也
用小柴胡湯加生地犀角諸症頓減又用聖濟犀角地
黃湯而結痂

黃芪六一湯治痘瘡氣虛作渴愈後作渴尤宜服之

黃芪

錢六

甘草

錢一

右水煎服

參芪四聖散

參芪內托散治痘瘡疼痛或裏虛發痒或不潰膿或為

倒靨等症

二方見寒戰咬牙

小柴胡湯

加牡丹皮生地黃即加味小柴胡湯

治發熱惡風身痛或四肢

勁強寒熱往來

方見瘧症

紫草快癰湯

方見便出血或黑屎

七味白朮散

方見發熱屬陰陽

四物湯

方見瘧出遊

八珍湯

聖濟犀角地黃湯

二方見頂陷心煩

仙方活命飲

托裏散

東垣消毒散

三方見夾疹痘


五苓散

方見小便不利

製附子法

將附子重一兩三四錢有蓮花瓣頭圓底平者先備
童便五六碗將附子放在甕上熱處或炭火烘炙乘

熱投童便中浸五七日候潤透揭去皮切四塊用粗
紙濕裹數層埋灰火中煨候熟取出切片如有白星
瓦上炙至無星為度如急用切大片用熟瓦炙熱亦
可



薛氏醫案卷七十三

欽定四庫全書

子部

薛氏醫案卷七十四

詳校官太醫院吏目臣宋桂

編修臣倉聖脈覆勘

總校官原任中允臣王燕緒

校對官中書臣李斯咏

謄錄監生臣姜士安

欽定四庫全書

薛氏醫案卷七十四

明 薛己 訂

外科精要上

療發背癰疽灸法用藥第一

經云諸痛痒瘡瘍皆屬心火前輩又謂癰疽多生於丹石房勞之人凡人年四十已上患發背等瘡宜安心早治此症如虎入室禦而不善必至傷人宜先用內托散

次用五香連翹湯更以騎竹馬法或隔蒜灸并明灸足三里以發泄其毒蓋邪之所湊其氣必虛留而不去其病乃實故癰疽未潰臟腑畜毒一毫熱藥斷不可用癰疽已潰臟腑既虧一毫冷藥亦不可用猶宜忌用敷貼之藥閉其毫孔若熱渴便秘脉沉實洪數宜用大黃等藥以泄其毒後國老膏萬金散黃礬丸遠志酒之類選而用之

愚按前症若熱毒蘊於內大便秘結元氣無虧者宜

用大黃等藥泄其熱毒若陰虛陽湊精虛氣節脾胃
虛弱者宜用甘溫之劑培其本源若瘡不斂腫不作
膿者雖未潰仍須溫補若瘡已潰而腫不退痛不止
者仍宜清涼之劑治之若病急而元氣實者先治其
標病緩而元氣虛者先治其本或病急而元氣更虛
者必先治本而兼以治標大抵腫高焮痛膿水稠粘
者元氣未損也治之則易漫腫微痛膿水清稀者元
氣虛弱也治之則難不腫不痛或漫腫腫黯不潰者

發於陰也元氣虛甚理所不治若腫高焮痛者先用
仙方活命飲後用托裏消毒散漫腫微痛者宜托裏
散如不應加薑桂若膿出而反痛氣血虛也八珍散
不作膿不腐潰陽氣虛也四君加歸芪肉桂不生肌
不收斂脾氣虛也十全大補加薑桂晡熱內熱陰血
虛也四物加參朮欲嘔作嘔胃氣虛也六君加炮薑
自汗盜汗五臟虛也六味丸加五味子食少體倦脾
氣虛也補中益氣加茯苓半夏喘促咳嗽脾肺虛也

前湯加麥門五味欲嘔少食脾胃虛也人參理中湯
腹痛泄瀉脾胃虛寒也附子理中湯小腹痞足脛腫
脾腎虛弱也十全大補加山茱山藥肉桂泄瀉足冷
脾腎虛寒也前藥加桂附熱渴淋閉腎虛陰火也加
減八味丸喘嗽淋閉肺腎虛火也補中益氣湯加減
八味丸凡此變症皆因元氣虧損失於預補所致故
丹溪先生云但見腫痛叅之脉症虛弱便與滋補氣
血無虧可保終吉旨哉斯言蓋古今虛實不同因時

施治不無少異是集治論義悉類此

附治驗

上林陳靜涵面患疔脉洪數有力屬邪氣蘊結余用
清熱消毒散二劑未應或用黃耆肉桂等藥二劑反
益其勢致耳目唇口俱腫閉頭面如斗由邪氣外竇
也前脉按之無力由元氣內虛也連進托裏消毒之
藥及數砭患處出黑血碗許已而膿與腐肉併潰而
出復用托裏之藥瘡勢漸愈七日後復因調護失宜

以致煩渴不食兩尺脉如絲欲絕急用八味丸料煎服其脉頓復手足自溫使非砭以泄其外托裡散以補其內八味丸以回其陽則治之失宜必致不救慎之慎之

憲副陳魯山居官勤苦勞傷元氣背患疽漫腫中央色黯四畔微赤微痛脉浮大按之微細左寸短而右寸若無十餘日腫未全起此病氣元氣虛寒朝用參耆薑桂歸朮陳皮半夏炙草溫補其陽夕用加減八

味丸滋其肝腎各四劑而腐潰但膿水清稀盜汗自汗內熱晡熱脉浮而數改用八珍湯復發熱而夜陽舉此腎虛而火動仍用加減八味丸料煎服而安又因怒動肝火瘡出鮮血二盞許左關弦數右關弦弱此肝木侮脾以致肝不能藏血脾不能統血用十全大補兼前藥各二劑而血止再用前藥調理而痊一武職患腦疽內潰熱渴頭面腫脹如斗胸背色焮如塗丹煩熱便秘此表裏俱實若非苦寒之劑內疏

外泄不救遂針周項出膿及用清涼飲一劑內大黃
用五錢再用消毒散而愈

節推玉器之背患疽瘡頭如黍焮痛背重脉沉而實
此毒在內服黃連內疏湯二劑少退更與仙方活命
飲而愈

舉人劉華甫焮腫作痛脉浮而數此毒蓄於經絡用
內托復煎散二劑而焮腫減用仙方活命飲四劑而
腫痛止更用托裏藥而痊

一儒者患背疽腫焮痛甚此熱毒蘊結而熾盛用隔蒜灸而痛止服仙方活命飲而腫消更與托裏藥而潰愈

一男子背患疽腐肉雖潰而新肉不生此毒氣解而脾胃之氣虛也用六君子加芎歸五味黃芪漸愈用十全大補湯全愈

一男子背患疽肉腐膿清肌肉不生此邪去而氣血俱虛也用十全大補湯月餘而斂

一男子背患疽腫痛赤暈尺餘背如負石其勢當峻
攻其脉又不宜遂砭赤處出紫血碗許腫痛頓退更
用神功散及仙方活命飲二劑瘡口及砭處出血水
而消

儒者周在魯懷抱久鬱背脊患疽肝脉弦洪脾脉浮
大按之微細以補中益氣加桔梗貝母少用銀花白
芷二劑肝脉頓退脾脉頓復乃以活命飲二劑膿潰
腫消肝脉仍弦此毒雖去而胃氣復傷仍用前湯加

半夏茯苓而愈用銀花白芷非為治瘡乃解患者之疑耳

癰疽備論第二

初虞世云凡癰疽始作須以大黃等藥亟轉利之勿以困苦為念若與其潰爛而死不若利之而死況有生道哉古人立法率用五香連翹漏蘆等藥貧乏者單煎大黃湯以利之至於膿潰乃服黃芪等藥以排膿千金外臺備矣世以瘡發於外不行轉利而死者多矣悲夫

愚按前症若腫高焮痛臟腑閉結屬內外俱實當用
前藥瀉之若漫腫微痛臟腑不實屬內外俱虛當用
內托補之若患腫無頭肉色不變當助胃壯氣令其
內消若疼痛不止焮腫不消當用人參黃芪散以托
裡排膿若飲食少思肌肉不生當用參芪托裡散以
補養脾胃丹溪云癰疽因積毒在臟腑當先助胃壯
氣使根本堅固次以行經活血藥佐之參以經絡時
令使毒氣外泄治之早者可以內消此內托之旨也

又云腫瘍內外皆壅宜以托裡表散為主如用大黃
寧無孟浪之非潰瘍內外皆虛宜以補接為主如用
香散未免虛虛之失此蓋古今氣稟不同治宜審之

癰疽灸法論第三

陳無擇云癰則皮薄腫高疽則皮厚腫堅初發並宜灼
艾惟癰膿成則宜針疽膿成則宜烙當審察其症疏利
其毒補托其裡然癰疽冠於雜病之首治失次序多致
枉天故集得效灸法以貽學者庶不致妄投也

愚按前症若發熱煩渴大便秘結者由邪蓄於內宜黃連內疏湯以泄內毒若頭痛拘急發熱惡寒者由邪客於外宜人參敗毒散以散表邪若腫痛焮赤發熱作渴此毒氣凝於肉裏宜仙方活命飲解散其毒若食少體倦發熱惡寒此中氣虛弱宜六君子湯以補脾胃

騎竹馬灸法第四


治一切瘡瘍即用此法無有不愈其法令病人以肘凭

凡豎臂腕要直用篾一條自臂腕中曲處橫紋男左女
右貼肉量起有至中指尖盡處截斷為則不量指甲却
用竹杠一條令病人脫衣正身騎定前後用兩人杠起
令病人脚不着地又令二人扶之勿令偃僂却將前所
量臂篾從竹杠坐處尾骶骨盡處直貼脊背量至篾盡
處為則用墨筆點定此只是取中非灸穴也却用薄篾
作則子量病人中指節相去兩橫紋為則男左女右截
為一則就前所點記處兩邊各量一則盡處即是灸穴


兩穴各灸五七壯疽發於左則灸右疽發於右則灸左甚則左右皆灸蓋此二穴心脉所過之處凡癰疽皆心火留滯之毒灸此則心火流通而毒散矣起死回生之功屢試屢驗

愚按前症若毒既解而肌肉不生當求其屬而補之

男以左手女
以右手先屈
中指用薄篋
量取中間一
節兩橫紋盡
處為同身一
寸為則子



先從男左女
右臂腕中曲
橫紋起用薄
篋一條量至
中指齊肉盡
處不量指爪
為則剪斷



第三圖

先令病人脫去衣服以大竹杠一條跨定令兩人
徐徐扛起足要離地五寸許兩傍更以兩人扶定
毋令搖動不穩却以第一圖則子貼定竹杠從尾
間起貼脊量至則子盡以墨點定記之非灸穴也
此是取中穴止處却以第二圖取同身寸則取兩
寸平摺自中穴量之以中分取兩傍各一寸方是
灸穴也



論隔蒜灸得效第五

李氏云治疽之法灼艾之功勝於用藥蓋使毒氣外泄
譬諸盜入人家當開戶逐之不然則入室為害矣凡瘡
初發一二日須用大顆獨蒜切片三分厚貼疽頂以艾
隔蒜灸之每三壯易蒜痛者灸令不痛不痛者灸之令
痛瘡潰則貼神異膏如此則瘡不開大肉不敗壞瘡口
易斂一舉三得此法之妙人所罕知若頭項見疽則不

可用此法

五府極
觀碑載

愚謂瘡瘍之症有諸中必形諸外在外者引而拔之
在內者疎而下之苟或毒氣鬱結瘀血凝滯輕者藥
可解散重者藥無全功是以灼艾之功為大凡灸法
未潰則拔引鬱毒已潰則補接陽氣每治四肢患瘡
氣血無虧者祇以前法灸之皆愈若中氣虛弱不灸
而服敗毒之藥復傷中氣未有不敗者也其頭項患
者亦宜灸之但艾炷宜小而少其壯數為善

背疽腫漫尋頭灸法第六

李氏云凡患背疽漫腫無頭者用濕紙貼腫處但一點先乾處乃是瘡頭可用大蒜十顆淡鼓半合乳香錢許研爛置瘡上鋪艾灸之痛否皆以前法為度

愚按前症或附骨疽及臀腿諸毒初起未明者尋頭用灸多自內消其毒熾盛更服活命飲其功尤捷若氣血虛弱必以補托為主若背疽大潰欲驗穿透內膜者不可用皂角取嚏法但以紙封患處令病者用意呼吸如紙不動者未穿透也倘用取嚏鼓動內膜

反致穿透慎之慎之

蒜餅施用分其輕重第七

伍氏曰凡用蒜餅灸者蓋蒜味辛溫有毒主散癰疽假火勢以行藥力有只用艾炷灸者此可施於頑疽癰發之類凡赤腫紫黑毒甚者須以蒜艾同灸為妙

愚按前法誠有回生之功若頑瘡癰疾脾胃虛弱營氣不能滋養患處以致寒邪內襲而不愈宜用小艾炷頻灸瘡口以祛寒邪補接營氣其內補之法說見

首論及三十二論

灸法要論第八

伍氏方論曰夫癰疽發背皆有所因前篇言之詳矣凡初覺赤腫先從背脊骨第二陷中兩傍相去同身寸各一寸五分名熱腑穴二處各灸七壯此能疏泄諸陽熱氣永無癰疽之苦或隔蒜灸不論壯數則邪無所容而真氣不損但頭項見瘡宜用騎竹馬法及足三里灸之愚按前論誠為良策其調理之法當求首論中

史氏引證

甲戌年瘍醫常器之診太學史氏之母云內有蓄熱防其作疽至辛巳六月果背脾微痒瘡粒如黍灼艾即消隔宿復作用膏藥覆之暈開六寸許痛不可勝歸咎於艾適遇一僧自云病瘡甚危嘗灸八百餘壯方甦遂用大艾壯如銀杏者灸瘡頭及四傍各數壯痛止至三十餘壯赤暈悉退又以艾作團如梅杏大者四十壯乃食粥安寢瘡突四寸小竅百許患肉俱壞而愈

愚按灼艾之法必使痛者不痛不痛者痛則其毒隨火而散否則非徒無益而又害之

附治驗

秋官高竹真患背疽色黯堅硬重如負石神思昏憤可畏其親廷評鄭沙村請同往治鄭云竹真先任湖廣某縣時以某河涉險不便竹真為整治有功其民為立生祠凡渡河者無不禱祭竹真患此悉疑立祠致祟余曰不然病因元氣虛寒積毒熾盛所致遂以

杵蒜攤患處用錢大艾炷灸二十餘壯尚不知乃攤
蒜補艾灸亦不知乃着肉灸良久方知再灸方痛內
服參附大補之劑而起

癰疽灼艾痛痒論第九

伍氏曰凡治癰疽發背疔瘡不痛者必灸使痛痛者必
灸使不痛若初灸即痛者由毒氣輕淺灸而不痛者乃
毒氣深重悉宜內服追毒排膿外傳消毒之藥大抵癰
疽不可不痛又不可大痛悶亂不知痛者難治

愚按前論惟疔瘡一症其狀不一其色不同或如小瘡或如水泡或作痛或麻木或有紅絲或寒熱頭疼或嘔吐惡心或肢體拘急其候多端非前灸法并解毒之劑卒難濟事若不省人事或牙關緊急者即以奪命丹為末灌之若生兩足多有紅絲至臍生于兩手多有紅絲至心生于唇面多有紅絲入喉俱難治若針其紅絲出血多有生者若患於肢末之處毒愈凝滯藥難導達灸之功為大如妄服疏利之劑耗

損真氣不惟無以去毒而害反隨之矣

附治驗

操江都憲張恒山左足次指患之痛不可忍急隔蒜
灸三十餘壯即能舉步彼欲速愈自敷涼藥遂致血
凝肉死毒氣復熾再灸百壯服活命飲出紫血其毒
方解脚底通潰腐筋爛肉甚多將愈予因考績北上
又誤用生肌藥反助其毒使元氣虧損瘡口難斂予
回用托裏藥補之喜其稟實且客處至三月餘方瘥

表甥居富右手小指患之或用針出血數以涼藥掌
指腫三四倍六脉洪大此真氣奪則虛邪氣勝則實
也先以奪命丹一服活命飲二劑勢稍緩余因他往
或又遍刺出血腫延臂腕如大瓠手指腫大數倍不
能消潰乃真氣愈虛邪氣愈盛余回用大劑參芪歸
朮之類及頻灸遍手腫勢漸消後大便不實時常泄
氣此元氣下陷以補中益氣湯加補骨脂肉豆蔻吳
茱萸五味子又以生脉散代茶飲大便漸實手背漸

潰又用大補藥五十餘服漸愈

一男子唇患之有紫脉自瘡延至口內余曰此脉過
喉則難治矣須針紫脉并瘡頭出惡血以泄其毒則
可不信乃別用解毒之劑頭面俱腫復請治脉洪數
按之全無惡症悉具余曰無能為也彼求治甚篤時
口內腫脹針不能入為砭腫處出血勢雖少退終至
不起

腦疽灸法第十

李氏云腦疽及脛項有疽不可用隔蒜灸恐引毒上攻
宜灸足三里穴五壯氣海穴三七壯仍服涼血化毒之
藥或以騎竹馬穴法灸之凡頭項咽喉生疽古法皆為
不治若用此法多有生者加五香連翹漏蘆等湯國老
膏萬金散皆可選用

愚按前症屬膀胱經或濕熱上壅或陰火上炎若因
濕熱則病氣有餘元氣不足當用黃連消毒散以除
濕毒用補中益氣湯以滋化源若因陰火則元氣病

氣俱不足當用補中益氣湯及六味地黄丸以滋腎
水若腎水乾涸中傳末症急用加減八味丸及補中
益氣湯以固根本引火歸源若色黯不潰或潰而不
斂名曰腦燥不治大凡腫焮痛甚宜活命飲隔蒜灸
之解散瘀血拔引鬱毒但艾炷宜小而少若欲其成
膿腐潰生肌收斂並用托裡為主

附治驗

一婦人患頭項俱腫痛不可當發熱作渴喜冷內服

清熱外敷寒涼色黯不焮胸中氣噎此陽氣虛寒彼
泥素有痰火不受溫補余用參芪各五錢薑桂各二
錢一劑腫頓起而潰又用大補藥而愈凡瘡疽腫高
痛甚煩渴飲冷此病氣元氣俱有餘宜用清熱消毒
散仙方活命飲為主若腫高痛甚口乾飲熱此病氣
有餘元氣不足宜用托裡消毒散參芪四補散為主
若漫腫微痛食少體倦此病氣元氣俱不足宜用六
君補中二湯壯其脾胃則未成者消已成者潰已潰

者斂矣

儒者胡本中之內冬患之腫痛熱渴脉洪數實用清熱消毒之藥潰膿而愈次年三月其舌腫大遍身患紫疔如葡萄不計其數手足尤多各刺出黑血此脾胃受毒先服奪命丹七粒出臭汗瘡熱益甚便秘二日與大黃芩連各三錢升麻白芷山梔薄荷連翹各二錢生甘草一錢水煎三五沸服之大小便出臭血甚多下體稍退乃磨入犀角汁再服舌本及齒縫出

臭血諸毒頓消更用犀角地黃湯而愈

癰疽既灸服藥護臟腑論第十一

李氏云背疽之方雖多得效者殊少今擇用驗者錄之
庶不致誤人如護心散凡有疽疾早進數服使毒氣外
出而無嘔吐之患否則咽喉口舌生瘡或黑爛如茵若
瘡發四五日之後宜間用別藥治之

愚按護心散乃解金石發疽之藥若發熱焮腫作渴
飲冷而嘔者宜用若發熱焮腫作渴飲湯而嘔者不

宜用若脾虛停痰或寒邪內侵或痛傷脾胃宜用六君子湯若喉舌生瘡或口乾作渴或小便頻數宜用六味丸大凡諸瘡作嘔若飲冷便秘是熱毒也黃連消毒散解之飲冷便是胃火也竹葉石膏湯清之懶食飲湯是胃虛也補中益氣湯以補之大便不實喜飲熱湯是脾胃虛寒也六君加炮薑以溫之常見脾胃虛弱者用前散反心間陰冷無不致嘔其喉舌生瘡乃腎水枯涸虛火炎上其症甚惡急用加減八

味丸亦有得生者

附治驗

通府張廷儀背患癱作嘔焮痛大便秘結口乾作渴
此內蘊熱毒用竹葉石膏湯二劑諸症頓退用托裡
消毒散四畔腫消用仙方活命飲瘡亦尋愈

上舍李通甫腿患瘡作痛少食作嘔惡寒余以為痛
傷胃氣用六君子湯加當歸四劑疼痛少止飲食加
進又以十宣散加白朮茯苓陳皮數劑膿成針而出

之又以前散去防風白芷數劑而痊

舉人邊雲衢腋下患毒嘔逆不食腸鳴切痛四肢厥冷脉沉而細余謂中氣不足寒邪內淫用托裏溫中湯一劑頓愈更以香砂六君子治之彼謂腫瘍時嘔當作毒氣攻心治之潰瘍時嘔當作陰虛補之余曰此丹溪大槩之言也即諸痛痒瘡皆屬心火之意假如赤腫痛甚煩躁脉實而嘔為有餘法當下之腫硬不痛不潰脉弱而嘔為不足法當補之亦有痛傷胃

氣或感寒邪穢氣而作嘔者雖腫瘍尤當助胃壯氣
彼執不信用攻伐之藥病愈甚復請診其脉微細而
發熱余謂熱而脉靜脫血脉實汗後脉躁者皆難治
後果歿

護心散

菜豆末

一兩明乳香
半兩細研

右煎生甘草湯調時時服之令藥常在膈間

五香連翹湯

乳香 木香 沉香 丁香 連翹 射干 升

麻 黃芪 木通 獨活 桑寄生 甘草

各三分

右水煎服

愚按是方說見前論

凡癰疽不可用生肌斂口之藥合用麥飯石膏瘡口自斂或因毒藥或為刀割重者兼服沉麝湯

愚按前云凡瘡不可用收口藥者恐毒氣未盡反助其惡益肌肉脾之所主但托裡健脾則餘毒自解瘡

口自合若毒發於外氣血無虧麥飯石膏亦可倚仗
若元氣虧損必當補助其脾禁用刀針說見第四十

三

沉麝湯

木香 麝香 沉香 藿香 乳香 連翹

各等分

右每服二錢水煎

五香去大黃加人參黃芪犀角湯

木香 沉香 乳香 丁香 粉草 人參

各五錢

各四

錢
黃芪一兩犀角末二錢麝香一錢

右每服四錢水煎

漏蘆湯

黃芪 甘草 連翹 沉香 漏蘆各半兩 大黃一兩

微炒

右每服二錢薑棗水煎

愚按三方詳見首論其斂口之法附見第三十三
柞木飲子治一切癰疽未成自消已成自潰甚效

乾柞葉

四兩

萱草根

荷葉蒂

甘草節

地榆

各一

兩

右每服五錢水煎一碗作二劑早晚進

愚按荷葉蒂去惡血萱草解毒柞葉善祛逐地榆甘

草節清血消毒

阿膠飲子治一切癰疽癰毒

牛膠

劉蛤粉炒如珠

粉草

各一兩

橘紅

半兩

右作三劑水煎服

牛膠飲截治癰疽毒不內攻不傳惡症有益無損

牛皮膠

用明者
四兩

右用酒一碗重湯煮化服加酒至醉不能飲加白湯
愚按二飲消毒殊有良驗

神仙黃礬丸服至一兩以上最止疼痛不動臟腑

白礬

一兩明
亮者研
黃蠟五錢
黃色者
熔開一
方用七
錢

右丸桐子大每服十丸漸加至二十丸熟水或溫酒
送下未破內消已破自合如服金石所致更用礬末

一兩徐以溫酒送下有人遍身生瘡其狀如蛇頭服此即效但日服百粒方能禦毒不致內攻又治蛇咬熔礬熱滴傷處痛即止毒即出

愚按前法果有良驗余常以白礬三錢為末糊丸以葱湯連進二服其功尤速故名千金化毒湯本用礬末葱湯調下因末難服故作為丸此藥解金石固臟腑有益無損用力少而成功多偏僻之處不可不知國老膏治一切癰疽預服消腫逐毒其功不能盡述

粉草

右以河水浸二宿揉取汁砂器煎膏服一二匙無灰酒或白湯下最解丹毒

愚按前方誠為解毒之劑但元氣虛弱者當深戒之萬金散治一切癰疽已潰未潰者

括萋

一箇
杆細

大甘草節

二錢

沒藥

一錢
研末

右用酒二碗煎一碗去查入沒藥服

愚按前散有消毒破血之功無腐潰生肌之力

遠志酒治一切癰疽因憂怒氣滯所致

遠志

米泔浸洗
去土去心

右為末每服三錢酒一盞調和澄清飲之相傳患處
愚按遠志酒誠有解鬱消毒之功而無托裡補益之
效

忍冬酒治一切癰疽甚效仍以麥飯神異二膏傳貼

忍冬藤

生取
五兩

大甘草節

一兩

右用水二碗煎一碗入無灰好酒一碗再煎數沸去

忍冬藤圖



查分三服一晝夜用盡病重晝夜兩劑至大小便通

利為度

另用忍冬藤一把爛研入酒少許傳四圍

又水蓮四十九片握去毛研細酒解溫服其功與忍冬草同

又龍鱗薜荔一握細研以酒解汁溫服利惡物為妙
紅內消用水砂器煎熟入酒與藥相半再煎數沸去渣
時時服之查焙為末酒糊丸桐子大每服三十九粒空心
溫酒下為常服之益力輕故也藥產建昌者良

愚按前三藥因其簡易解毒而用之畧無內托之功
也若毒既去而真氣虛者必須補托以收全功

馬益卿先生癰疽論第十二

論曰夫人有四肢五臟一覺一寐呼吸吐納精氣往來
流而為榮衛暢而為氣色發而為聲音陽用其形陰用
其精此又常數之所同也至其失也蒸則生熱否則生
寒結而為瘤贅陷而為癰疽凝而為瘡癰憤則結癰怒
則結疽又五臟不和則九竅不通六氣不和則流結為
癰皆經絡澁滯氣血不流暢風毒乘之而致然也

愚按此論可謂善言人身之造化瘡瘍之情狀者矣

治法當參詳前論

癰疽敘論第十三

論曰癰疽之症若七情虧損氣血經絡壅結而成者屬內因若六淫外侵氣血受傷寒化而為癰者屬外因若服丹石補藥膏粱酒麪房勞所致者屬內外因也又曰陰滯於陽則發癰陽滯於陰則發疽脉浮洪滑數為陽沉緩遲濇為陰陰則熱治陽則冷治初覺宜清熱拔毒已潰宜排膿止痛故用遠志大黃甘草此三因之法也

治當寒者溫之熱者清之虛者補之實者瀉之導之以針石灼之以艾炷破毒潰堅各遵成法以平為期

愚按前症脉沉實大便秘結者屬內因也宜疏利之脉浮大便秘調和者屬外因也宜托裡之脉不浮不沉者屬不內外因也宜調和榮衛此亦治三因法也若焮腫大痛煩熱飲冷大便秘結脉洪數實者為純陽宜苦寒之劑清熱拔毒若不腫不痛瀉利不食嘔吐足冷是為純陰宜辛熱之劑大補陽氣

不拘嚴寒盛暑當捨時從

症若微腫微痛似潰不潰時出清膿者為半陰半陽
宜辛熱之劑溫補胃氣此亦治陰陽症法也治驗詳
見首論

素問良用要論第十四

素問云陽氣湊襲寒化為熱熱甚則肉腐為膿凡發背
多因服金石而發者有因上伐曾服而發者其候多發
於脾起如粟或痛或痒多致不救外面如拳古人云外
面如麻裡
爪面如有數十孔以手按之諸孔出膿尋時失瘡凡有此

症可用淨土水調量大小作餅厚分許以艾炷灸之內服五香連翹湯及鉄漿醋調蚌殼灰塗之更以騎竹馬法灸之甚良

愚按前症仍叅首論主治恐其表裏熱毒之不同元氣虛實之不一也

千金良用備要方論第十五

千金云癰疽始作或大痛或小痛或發如米粒即便出膿宜急斷口味利去其毒用騎竹馬灸法或就患處灼

艾重者四面中央總灸一二百壯更貼寒藥其效甚速
愚按前症若因元氣虧損或因氣血相滯而患者更
當調補其內

別脉辨症論第十六

伍氏云癰疽之疾有二十餘症燔發癰發石發岩發蜂
窠發蓮子發椒眼發連珠發竟體發有腸癰內發腦背
發眉發顙頤發肺癰瓜瓠發大率隨病淺深內外施治
不可遲緩初發如傷寒脉浮而緊是其候也

愚按前症其名雖殊處治之法詳具各論其肺癰胃
腕癰別載外科樞要

癰疽脉症第十七

陳無擇云癰疽脉數身無熱反洒淅惡寒若有痛處乃
發為癰以手掩上若熱者為有膿不熱者為無膿若脉
不數不熱而疼者發於陰也尤為惡症凡熱甚脉數用
漏蘆散并單煮大黃等湯不甚熱脉緩弱投五香連翹
湯仍依四節八事次序三因以藥之無有不濟者也

愚按前症洒淅惡寒有屬瘡之表邪者有屬脾肺之氣虛者若潰後焮腫作痛惡寒發熱煩渴脉數乃真氣虛而邪氣實也仍參詳首論主之

治癰疽用藥大綱第十八

李氏云余之所著方論靡不周備但欲使治者一玩味次第用之無有不效今畧書用藥要領節次于後

一初患癰疽便服內托散以免後來口舌生瘡仍用騎竹馬或隔灸

一服五香連翹湯如大便䟽快即止仍量人虛實

一癰疽潰後宜服排膿內補散若嘔逆用木香湯下

一癰疽初作便宜灼艾及麥飯石膏塗四圍中留口出毒如瘡小通傳之既潰用神異膏貼之

一癰疽已潰日用猪蹄湯淋洗將愈之際三日一次

一癰疽將斂宜用神異膏如毒未盡不可遽用生肌之劑

一癰疽將安宜用加味十全湯補其氣血庶肌肉易生

一背疽多先渴而後發或先疽而後渴不救多矣若服加減八味丸非特杜絕渴疾抑且大滋氣血生長肌肉

愚按前症及諸治法各附四十七等論當審用之

一癰疽嘔逆有二一因初發不服內托散伏熱在心一因脾氣不正若因伏熱在心者心煩身熱焮腫作痛宜用內托散三兩服若因脾氣不正者則不煩熱或聞穢氣作嘔宜用嘉禾散如有寒熱用不換金正氣

散五更初兼服山藥丸以補腎

愚按前症治法當與第十一論參看

論癰疽嘔逆症第十九

李氏云癰疽嘔逆是毒氣衝心非脾胃之冷當服內托散楊氏云鼻衄初愈不曾表汗毒在經絡則背發大疽自肩下連腰脇腫硬如石其色紫黑以涼藥投之終夜大嘔連進托裡散嘔止瘡潰赤水淋漓四十日而愈又有患癰者痛過徹嘔服此即止今有病疽不服此藥者

故引楊氏之言以解世人之惑

愚按用藥之法有是病必用是藥但今之脾胃虛寒
氣逆痰滯而嘔吐者十居八九熱毒內攻而嘔吐者
十纔一二當叅首論及第十一論主之

論癰疽之源第二十

夫癰疽之源因於氣或因於熱以僕之管見亦有因於
膏粱房勞金石等藥故治法用萊菔豆犀角礬石國老膏
追毒丸其屬毒明矣華陀中藏所言是毒服宣熱敗毒

之藥不必疑矣

愚按前症若因金石所致元氣充實者誠宜此法若膏粱積熱房勞過度脾腎虧損者當滋其化源不可拘執

華陀論癰疽瘡腫第二十一

夫癰疽瘡腫之作皆五臟六腑蓄毒不流非獨因榮衛壅塞而發也其行也有處其主也有歸假令發於喉舌者心之毒發於皮毛者肺之毒發於肌肉者脾之毒發

於骨髓者腎之毒發於下者陰中之毒發於上者陽中之毒發於外者六腑之毒發於內者五臟之毒故內曰壞外曰潰上曰從下曰逆發於上者得之速發於下者得之緩感於六腑則易治感於五臟則難瘳又近骨者多冷近膚者多熱近骨者久不愈則化成血蟲近膚者久不愈則傳氣成漏成蟲則多痒少痛或先痒後痛成漏則多痛少痒或不疼不痒內虛外實者多痛少痒血不止則多死潰膿則多生或嘔逆無度飲食無時皆癰

疽使然症候多端要當詳治

愚按瘡瘍生蟲乃肝經風熱其成漏乃元氣虛弱其出血乃脾虛有火其潰膿乃元氣充實至於嘔逆等症屬脾胃虧損所致當調補元氣庶保無虞

論背疽其源有五第二十二

一天行二瘦弱氣滯三怒氣四腎氣虛五飲冷酒食炙
燂服丹藥

愚按前症所因雖殊其治法亦當別經絡陰陽虛實

表裡腫潰以助胃壯氣為主使根本堅固庶保無虞

追毒丸

轉毒散

單煮大黃湯

神仙截法

秘傳連翹湯

千金漏蘆湯

六味車螯散

止痛靈寶散

神效麻仁丸

清心內固散

清臙竹葉湯

猪蹄湯

神硝散

聖效散

神仙陷脉散

右方見中卷

麥飯石膏

神異膏

神驗血竭膏

壓熱神白膏

牡蠣地黃膏

大川烏丸

二烏丸

蚣蝎散

琥珀犀角膏

犀角散

内托黄芪丸

不换金正氣散

梔子黄芩湯

加減八味丸

忍冬丸

黃芪六一湯

桑枝湯

五味子湯

加味十全湯

人參內補散

神效托裡散

內補十宣散

人參順氣散

茯苓開胃散

陷脉散

桂附丸

神效爪萐散

立效散

獨聖散

梅花散

替針丸

綠雲散

宣毒散

小五香湯

塞裡散

托裡散

清涼膏

碧油膏

神效酒煎散


麒麟針法

癰疽經驗方

甲疽代指嵌甲方

金瘡竹木湯火傷方

右方見下卷



薛氏醫案卷七十四